

Na osnovu člana 48. Pravilnika o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona („Službene novine TK“, broj: 17/17 i broj: 10/1-02-031732/17 od 26.12.2017. godine), Ministarstvo obrazovanja, nauke, kulture i sporta Tuzlanskog kantona, donosi

ODLUKU

o utvrđivanju Programa polaganja testa stručnog znanja za radno mjesto saradnika za ekonomsko-finansijske poslove u osnovnim i srednjim školama Tuzlanskog kantona

I

Ovom odlukom utvrđuje se program polaganja testa stručnog znanja, po osnovu kojeg će se, shodno odredbama Pravilnika o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona („Službene novine TK“, broj: 17/17 i broj: 10/1-02-031732/17 od 26.12.2017. godine), organizovati i provesti test stručnog znanja za radno mjesto saradnika za ekonomsko-finansijske poslove u osnovnim i srednjim školama Tuzlanskog kantona.

II

Program iz tačke I ove odluke nalazi se u prilogu iste i čini njen sastavni dio.

III

Program iz tačke I ove odluke primjenjuje se u svim konkursnim procedurama prijema u radni odnos saradnika za ekonomsko-finansijske poslove u osnovnim i srednjim školama Tuzlanskog kantona.

IV

Ova odluka stupa na snagu danom donošenja.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja, nauke,
kulture i sporta
Broj: D-10/1-38-031926-1-17
Tuzla, 28.12.2017. godine



MINISTAR
Zlatan Muratović
mr.sc. Zlatan Muratović

**PROGRAM POLAGANJA TESTA STRUČNOG ZNANJA ZA RADNO MJESTO
SARADNIKA ZA EKONOMSKO-FINANSIJSKE POSLOVE U OSNOVNIM I
SREDNJIM ŠKOLAMA TUZLANSKOG KANTONA**

1. Termin i mjesto polaganja testa stručnog znanja za radno mjesto saradnika za ekonomsko-finansijske poslove u osnovnim i srednjim školama Tuzlanskog kantona određuje se tekstom konkursa za prijem u radni odnos, koji raspisuje Ministarstvo obrazovanja, nauke, kulture i sporta Tuzlanskog kantona.

2. Propisi koji će se primjenjivati i iz kojih će biti utvrđena pitanja za test stručnog znanja saradnika za ekonomsko-finansijske poslove su:

a) Zakon o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16),

b) Zakon o trezoru u Federaciji Bosne i Hercegovine („Službene novine Federacije BiH“, broj: 26/16),

c) Pravilnik o popisu sredstava i izvora sredstava („Službene novine TK“, broj: 10/11),

d) Uputstvo o izvršavanju budžeta Tuzlanskog kantona sa Jedinstvenog računa Trezora („Službene novine TK“, broj: 9/08),

e) Računovodstvene politike za budžetske korisnike i trezor („Službene novine TK“, broj: 13/11).

3. Ukoliko nakon utvrđivanja ovog programa dođe do donošenja novog, odnosno izmjena ili dopuna propisa iz tačke 2. ovog programa, novi propis, odnosno izmjene ili dopune istog postaju sastavni dio ovog programa.

4. Kandidat koji ne pristupi polaganju testa stručnog znanja i koji uspješno ne položi test stručnog znanja gubi pravo učešća u daljnjoj konkursnoj proceduri.

5. Prije pristupanja polaganju testa stručnog znanja kandidat je dužan potpisati pisanu izjavu o pristupanja polaganju istog, koja obavezno sadrži: naziv škole u koju se prijavio, broj lične karte, podatke o organu koji ju je izdao i roku važenja iste.

6. Ukoliko se prijavio za rad na radnom mjestu saradnika za ekonomsko-finansijske poslove u više osnovnih ili srednjih škola, kandidat polaže jedan test stručnog znanja i isti je u odnosu na broj bodova koji je ostvario mjerodavan ili eliminatoran u svakoj od škola u koje se prijavio.

7. Ovaj program sastavni je dio Odluke o utvrđivanju programa polaganja testa stručnog znanja za radno mjesto saradnika za ekonomsko-finansijske poslove u osnovnim i srednjim školama Tuzlanskog kantona (broj: D-10/1-38-031926-1-17 od 28.12.2017. godine).

**Ministarstvo obrazovanja, nauke,
kulture i sporta Tuzlanskog kantona**